

靈寶度人上經大法卷之七十一

出七

靈寶无量度人上經大法卷之七十一 出七

修齋受詞品

請師

科曰開度人天救護群品崇建齋法非師
不成必在備受符籙明練科儀知俯仰之
文明進退之格思神念真關啓敷奏閑邪
無失庠序得宜與天為徒體道無極廣開
戶牖普濟沈淪德重功高莫越師寶若法
師佩三洞衆官叅洞玄者可署之闕人之
處可洞玄為法師紫虛正一為衆官也齋

法出於靈寶屬洞玄以行之理亦為當其
他十戒白簡道士不可濫署法職竊預名
號凡欲修齋致薦濟存拔亡當歲事之初
必先推尋清高勤行之士或棲真觀宇或
隱迹山林道價崇高玄門宗仰僉議惟允

出七

卜筮協從後齋沐身心蠲諷吉日削心詞
而皈命瀝齋款以依投儻或未副精祈必
再申誠控告志宜純一禮止于三必獲允
俞始當營建蓋以皇天厚地幽府泉扃十
方无極之鄉三界難量之際非宗師功德

隆重行業清明則何以聲幽顯以宣通和
人天而無間是以淵源上學深造玄微爲
生死之津梁作人天之眼目者廼可謂之
高功如其泛泛之流末學下士惟財利之
是務真槌埴以冥行徒役精神虛費財寶
其不爲三官鼓筆者鮮矣尚何冀其感通
者哉

投狀

具鄉貫奉

道弟子姓某與家眷等

右某所伸情旨伏爲亡某存日享年幾歲月
日時生昨於何年月日時在某處身亡見殯
葬何處深慮魂識未遂生方今者屆于某節
謹啓志誠備置十方法信供養之儀於某處
請道士若干人就某處崇建

出七

二

无上黃籙大齋幾晝夜滿散修設冥陽淨醮
一座乞爲亡過某人懺贖過愆資嚴生界仍
乞附壇昇度門中祖禰眷屬親姻旁及六趣
三塗九幽五道冥司幽夜滯魄孤魂普仗良
因咸超仙界謹具誠款披投法位法師伏願

法慈許賜依科陞度施行未敢自專伏候法
旨

致詞

維年號某月朔日某甲子某府縣鄉貫居住
眷等謹齋沐虔誠稽首再拜上啓

度師某洞法師先生切以

祖炁肇分有物咸歸於覆被道源始判承流
代出於真宗洪惟

上學之流深證重玄之教輒陳祀事仰冒聰
明切念某等伏惟亡過某人夙契

真休叨居人道在地水火風之內有貪嗔愛
惡之緣固知幻化之無常益見人非之稔積
俄淪夜壑永隔陽光非憑奧妙之科曷濟湮
沉之苦旁求上士式建靈壇恭惟

先生體道純真潛心虛寂悟三洞四輔之旨

出七

三

爲十方三界之師開戶牖於玄門作舟航於
苦海天人仰德幽顯咸恩伏望

廓軫大慈俯從丹禱飛神控轡高通

三境之遙錫命頒符下拔九泉之苦慶雲垂
而生意無盡靈風聚而死骸發煙俾茲受對

之魂證彼登真之果更冀九玄殫識六道幽
靈咸登解脫之鄉共達希夷之岸依皈至切
敷述奚殫干冒威明某下情無任激切之至
謹詞

啓盟

高功升座法衆立班啓堂法事候弟子致
詞宣畢高功捧香祝曰

浮黎國內玉京山中億萬年結炁凝煙百千
種通誠達信根盤騫林下瑞藹太虛空寶香
一炷爇金爐三界十方咸稽首

焚香執簡啓奏

以今焚香供養

三清三境十極十華无上至真道經師寶十方三界千靈萬真黃籙寶齋感應真宰伏願

參龍駕鳳飛空六帝降高首場乍證功德奧

妙同元蓋一真之未布機詳有統由三炁之初分寂寂至無之宗蕩蕩自然之化生於象帝之始隱乎空洞之中元始開圖敷五篇於碧落洞玄啓祕周十度於本章生生之義難終難窮化化之源莫名莫測運兩儀之闔闢

使萬物以化成德本好生獨立常生之道功
惟不宰孰知真宰之筌非常道而非常名無
棄人而無棄物粵自三皇之始人與道全迄
乎五帝之終道爲人遠人僞勝而天理滅幻
境迷而覺性昏不能保命而愛神益見背真

出七

四

而就僞生由是死由是出於機入於機汨正
念於喜怒貪嗔棄真常於夢幻泡影自取死
壞離其本真人非鬼責以兼攻雪刃霜鋒之
交至炎炎烈火獄峨峨丘寒池皆由一念之
中自致九幽之苦舉聲悲叫徒知宿命之非

救苦化身未遇霈恩之及緊于衆罪流吹不
息恩惟

太上拔領無邊宏敷黃籙之文茂著明真之
典控五鳳八鸞之駕尋救十方宣九龍二虎
之符開通六趣變雲浦為雪腴之醴消火翳
為靈寶之光劔樹摧鋒鑊湯息浪普召陰冥
之主吏咸遵濟度之科條三界莫不依皈一
切普皆懽悅九卷既終而麗華得度一人無
畏而北帝請陳是為无上之緣茲實難量之
果蓋以元皇敷化列聖流通經分三十六部

而度人最先齋列七十二等而黃籙惟大葛
左玄授大洞之旨張靜應恢正一之文源分
流派而浩浩無涯法演經傳而綿綿不絕非
惟功德之普博抑亦禁戒之威嚴非丹誠惟
一惟精豈大範可聞可見今黃籙大齋官其

出七

五

皈依十極請命三天奉先思孝而遠度億曾
修齋建功而普資群爽齋紋繒而備列持質
信以森嚴廣邀清靜之流祇建明真之會宜
得上士與之宣行如某者塵世行尸玄門末
學冒受九真之戒濫紆三洞之文體未洞真

何足致形神俱妙德惟翦薄豈能使天地同
歸是宜隳肢體而黜聰明處山林而就藪澤
夫何塵迹誤辱丹詞顧惟戰灼之餘益認精
虔之至敢不遵承科簡祈告蒼旻秉自愚不
轉之心宣大道無爲之化何異挾山而超海
無殊斷鶴而續鳧短綆不可以汲淵大方必
爲之見笑所幸因緣有自翊贊得人皆法海
之元龜實宗門之大匠更相汲引不鄙凡愚
將共受於戒言庶克成於祀事况以科條具
載功過悉分三官五帝之書九府四司之錄

毫分無失纖芥不遺弗容簡慢之爲恐墮薦
修之福必也盟告天地質誓鬼神各罄丹心
不生異念當使功標丹簡俾七祖以生天無
令罪結黑書致九玄之墮地登壇之際受職
之初咸秉誓言仰干聖鑒今則齋莊旣禱盟
告云周珮玉鏘鏘見十方之振響威儀濟濟
仰萬聖以臨觀潔志同誠舉揚勝事

度亡玄局

玄師曰旣承投詞選擇吉地卜日告齋嚴
命同志入靖對齋預告上穹修札關告十

天九地三元九州靡不遍通持誦經號敷
宣科教行香修齋建壇貢章召攝視現頒
符命以俟感通功周幽顯名刊玉清普天
懷德克日飛昇訣曰所投詞即是大齋弟
子之詞詞旨孝慈忠直懇切無私方許允

出七

六

度也擇吉地者名山洞天福地靖廬玄壇
宮觀不經兵陣戰場非屠坊刑獄生產塚
墓穢惡之地者皆名吉地也卜日告齋者
要在三元八節五臘十直三會之日與亡
靈七七周祥諱日相合或普度之時要值

天赦甲子庚申與節會元臘同會名曰吉日不遇其日不可開建也告齋爲立意之初通達玄元某日爲始也嚴命同學上道同師同壇之友也同志謂其志同也普爲幽顯者苟非其人和氣不生有隨功果自告齋之日入靖所不交人事對齋百日九十日四十九日三十二日亦可但量所度亡者多寡修文備事廣狹爲則無致臨用有闕預於前期七日告三界九地十天十道九州北都冥府等於告齋之始勸緣大

齋之首及求度亡魂之家同志以學之人
齋戒沐浴持誦真文真文者謂為拔亡魂
經呪尊號也謂如大洞真經靈寶諸經九
天生神寶章道德二篇黃庭玉經救苦三
塗步虛九幽拔罪真經甘露神呪真一等

出七

七

經及琅函天尊睿號神呪也於一建前三
日敷告修齋詞旨關告直歲神石行雨主
雨龍神里域土主城隍山林益長溪真及
屬岳之司一切洞天福地諸天山曹等處
一一各召差神兵衛護道場斥逐凶毒之

物淨蕩穢惡之炁久晴之時防虞風雨久
時陰雨剋日借晴仍選當境靈應衆人所
欽之神直壇防非止惡以警非道妖惡之
衆於前一日夜日入之時集與爭羽流法
事弟子詣建壇之所習演威儀至平旦集
衆詣法師靖下請受致詞求師登壇建壇
淨穢自此或七晝夜或五晝夜三晝夜一
晝夜並三時行道六度行香十迴轉經宣
科告戒並從古制節度拜貢章表敷露五
方真文依式鎮信金玉宣符告闕並從科

法召攝視現鍊度感通齋後舉過始末同
心功圓果滿散壇謝過言功效職三官保
舉五帝奏名諸天稱慶上帝賜恩進品仙
階功及幽顯克獲飛昇稍有違悞罪亦無
貸

玄局儀範次第

玄師曰自宗師垂示科教啓建大齋各有
次第並依玄局啓載關告文檄牒狀之類
并具齋詞旨揮請乞文語皆出大法師志
意修撰不必定本成規混淆靈典的非經

語之言豈可編次法內久而滋蔓使成俗
格白石類玉似是而非有玷真道初則習
演威儀預於前之日建壇至日清旦致詞
請師登壇至于九師之前啓玄建壇任六
職拜啓玄表文揭簽受職方始詣三寶像

出七

前開啓行香升壇行道之日先於壇內燒
化通關預告轉牒九州社令三界神司五
岳九州幽府北都里域城隍山林益長溪
真歲君神祇主雨龍神令部衛形魂普赴
壇下止雨借晴關告都畢旋遶登壇拜素

車白馬章開通道路章申奏天曹五帝四
司三景星官天省三院靈寶十天南北二
斗四極真宮四聖師府三官所治五岳司
命三十二天紫微上宮丹天火府重明上
宮韓司丹天童初五府東華西靈五老帝
君天尊真人法中干預之者及衣奏諸師
上帝一一周備宣告救苦真符太上救救
生天寶籙訖宣啓行道科懺諷誦真經清
旦事畢臨午行道告下三天白間九天寶
誥玉清破地獄真符拜破鄧都乘道童讚

詠十王儀至晚朝行道宣讚童子救苦生
天儀初夜行道壇外發召請表奏攝魂赴
壇迎引亡魂赴浴拜沐浴鍊度章宣沐浴
鍊度儀召請詣三寶前傳符受戒迎魂歸
位呪食十念次懺回耀輪燈九卮神燈宣

出七

九

九獄儀法師破獄次召請九泉六道赴浴
次設無礙夜齋教戒神祇都畢迎魂視影
現形次至中夜登壇行道拜遷拔亡人章
行持九鍊變仙之法告下拔幽魂真符登
真度命靈符長生符召降驛吏宣讀合同

券文宣放生儀次祝流火神庭魚龍分投
焚化簡文焚郭焚龍童子等至終滿之時
淨壇設醮起五方真文拜謝恩表乞詣玄
師前還職拜言功謝過朱表乞祝納官祝
罷壇如此科式不可超越或七晝夜九晝
夜十四晝夜皆須委曲緩速行持近則三
晝夜一日一夜關行稍違節次動失綱紀
不惟混淆典憲冥曹亦須切笑三官鼓筆
四司糾察徒用施爲功德之恩萬分獲其
一二學士宜遵守奉行五老本行具說三

見黃籙尚自不墮地獄況其親行大教普
濟幽冥若滿十數天上地下十方三界仙
神人鬼飛走甲介皆是子之恩德所及魔
王敬伏保舉上帝稱慶懽悅三官言功五
帝列奏祖師錫元皇飛符金闕降丹華羽
駢拔七祖於北宮度九玄於死錄一身骨
肉仙化神形俱登道妙吞餌金丹佩服仙
券千騎萬乘白日登升三天隨其功業授
補真階或為上清真人之位或登上清仙
公之名或為太極左卿方始洞明普救無

間功德之所致也子宜勉之竭志奉行

鎮信威儀品

卷下鎮信

經曰古人淳朴懷道抱德不貪不欲各足於身但用志誠自可通感不須財寶玄合

出七

十

天真末代時澆人民矯詐惟恡財貨不識因緣賤命重財輕生徇利內懷萬惡外結凶狂相繼滅亡未嘗覺悟念是之故今遣散之一則內賊不生二則外賊不起內外安靜眾苦消除所以質信效心必以財為

首財既可捨心亦隨之聖善冥通隨夫心意高天厚地玄聖上真非信不通非心不感通感之致在乎信焉故云學道之士齋金寶效心盟天也

金龍一十三枚

十方鎮十枚三枚隨簡投之

科曰天子皇后太子用上金三品以下用中金九品以上用次金士庶以銀塗金各長三寸六分夫龍者上天之驛騎為傳達通感龍騎為先負簡即騰信三官鎮壇以

通誠十極鎮信之法以龍為首闕者考屬

陰官曹

鎮綵一十一段

十段十方一段命信

東方青紋九南方絳紋三西方白紋七北方皂紋五上方碧紋三十二下方黃紋三十二四維黃紋各一十二十方數合一百

出七

十一

三十六天子匹數諸侯丈數士庶尺數本命紋繒天子諸侯紫色士庶以本命納音色匹丈尺數各隨本命外加一以表延生之信科曰紋繒者顯五行之色象十方之氣降十天致五帝通真效信請命祈靈不

可闕也闕者考屬天官玄都曹

鎮十方紙墨筆硯一十副

紙每方用十二幅

科曰建齋行道或救拔億曾萬祖考妣二親或請福祈恩保制劫運則四司五帝三界十方紀錄善功檢校罪目當以紙筆爲錄功紀善之籍施鎮十方不可闕也闕者則十天五帝不錄其功九府三官不除其過闕者考屬三官曹

鎮十方香華

科曰香者以通感爲用隔氛去穢華者以

鮮潔爲美表瑞效珍請福祈真香華爲本
香以沉箋降真花以香潔木生者無花可
以五綵剪簇以鎮十方不可闕也闕者考
屬陰官曹

鎮寶錢二萬四千

科曰民之利用厚生非財不立民之重財
尤過於命故齋法以財質心而不可闕也
闕者考屬天官玄都曹

鎮米二斛四斗

科曰米者養生之本民以食爲命故齋法

以采質信天官增加品祿所不可闕也闕者考屬天官曹

鎮油二斗四升

科曰油者陰類也陰中生陽以油鎮陰官續陽景闕者考屬陰官曹

出七

十二

鎮炭二十四斤

科曰炭者陽類也陽中生陰以炭鎮陽官資陰烝闕者考屬陽官曹

槿木簡三面

各長一尺二寸闊二寸四分厚二分

科曰簡者記也告也記世之功告盟上真

上下正方天子以玉爲之玉有九德禮天
地之信也餘皆槿木爲之或栢木丹界五
行丹書國號年月建齋之所及法師姓名
投於名山大洞靈泉龍穴及齋壇之中告
天地水三官使著明齋事奏于上境闕者

考屬地官九都曹

鎮十方玉璧十枚

各徑二寸四分厚二分圓形虛中

投龍璧三枚

科曰玉有貞潔之德可以盟感上真故以

爲信若投龍簡當以青絲金鈕纏而刺之

青絲以代割髮金鈕以投龍壁天官蒼璧

代歌血上告三官也

圓形地官黃璧方形水官黑璧六出形天子以玉公侯以下並槿木為之闕者考屬

地官九都曹

投三簡金鈕二十七枚

出七

十三

投簡之法當用金鈕九隻以副於簡三簡

用二十七鈕各徑九分圓其外如環之形

國家用金臣庶以銀銅塗金

又皇人鎮壇儀範

夫建齋壇當供設十方天尊五嶽三光水

府經寶隨方各以紋繒之絲玉璧金龍以
鎮之更於五方書五老真文玉字敷露盟
告諸天三時禮念求哀懺悔更用楊木五
段方磚之式以絲帛上書五篇之炁以鎮
之五方散壇之夕掛於五方則可上消天
災保制劫運下禳毒害以度兆民則生死
受賴其福難勝者也用筆五枝墨五笏硯
五隻筭籌五把案紙五百幅分布五方以
米五石分爲祿米以錢五千文分在五方
爲命錢其紙各封押上題云東斗注筭紙

南斗上生紙西斗記名紙北斗落死紙中
斗記善紙仍以木雕造童子五軀手執梓
木函盛真文於其內散壇宣科而焚之即
五方童子齋真文前行引導亡靈隨光明
而生道或更以茭草傳龍二條童子二身

左手執長竿右手執龍索候散壇之日將
白簡符命以鐵線扎於茭龍之身即用遷
神回黃二幡以童子手執之法曰所謂茭
龍負身風火驛傳者也更在行持之士存
三清之光三光之光三日之光合與真火

而煉之其火盡存化為紫雲之昇亡魂乘
馭其炁得生天上次以靈寶將吏兵馬齋
左右二券擁從亡人而去直詣天門照證
合同以昇道境

威儀

出七

十四

科曰太上三尊居玄都玉京之山七寶玄
壇紫微上官十方世界上聖高真一日三
來旋行朝謁執符把籙建節持幢吟詠洞
章游空飛步奏鈞天妙樂散異景竒花鸞
舞鳳翔三界齊懽萬真稱慶今之齋法登

壇朝奏一象玄都玉京也威儀法式莫不
備焉
皇人曰元始天尊演說靈寶玄妙超度法
門會集群仙於虛皇天寶之臺諸天隊仗
紛紜日月星宿璇璣玉衡鳥獸鸞鳳丹輿
綠輦幡盖霓旌並來朝尊夫行法之士開
建壇陛亦遵上天之儀以度下世兆民也

節一對

以五色絲為之上下五層懸竿頭金鸞鳳

銜綬帶

幢一對

以珠蓋珠網八角一層懸竿木胎左龍右
虎龍虎銜綬帶

旌一對

似節無龍鳳銜綬帶三層五色絲爲之懸

出七

十五

竿

珠旛一對

珠錦玉珮金鳳銜之懸竿

五明扇一對

以木雕成金彩裝上布星斗中列五嶽下

繪海瀆豎以朱竿

鶴羽一對

以木刻成鶴翅豎以朱竿

皇人曰夫登壇行事以代元始應化先造
威儀以制萬天於壇內四維分布星宿嶽

瀆坤輿之數立諸門烝各依大法不可輕
慢

冠裳劔珮品

科曰服者所以旌禮也登壇朝真不容紊
亂經圖該備職錄高卑用以彰明各存法

度始於正一終於講師高下之儀一如正

制

正一法師

玄冠絳褐黃裙絳帔二十四條丹火玉珮
斬邪之劍長二尺四寸

紫虛法師

玄冠黃裙黃褐黃帔二十八條青玉珮紫
虛陽光之劍長二尺八寸又五帝召靈之

劍明玉珮

洞神法師

玄冠黃裳青褐黃帔三十二條白玉珮太
一三元之劍長三尺又三皇太一之劍青
玉珮

洞玄法師

芙蓉冠黃裳紫褐紫帔三十二條明光玉

出十

十六

珮八景揮靈之劍長三尺六寸又五帝威

靈禦邪之劍素玉珮

洞真法師

元始冠青裙紫褐紫帔青裏表三十九條

珠玉綉履震靈八景之座玉簡瑤笏震靈

之劍左右垂玉珮珠璫前後通真召靈之符或仙袖雲霞之帔

大洞法師

元始冠黃裙紫褐五色雲霞帔劍珮如洞真法師

三洞講師

元始冠黃裙紫褐九色雲霞之帔無劍珮如上品秩高卑皆為朝真法服陞壇以朝真交靈也寶海云劍者辟邪制非威神伏魔珮者進止動靜以中律度各有等級也

大天真上聖法式威儀萬品千名變化無
極至於樓臺宮闕結炁凝雲恍惚有無不
常厥所或飛臺行館空裏轉移或金闕玉
樓虛空化出或大包宇宙或細入毫芒其
於羽衣雲衫霞衣玉珮珠幢寶節飛印瓊

出七

十七

冠瓊笏霓旌鳳舉龍轂日旂月旂鶴駕虬
驂雖資變化之神亦有等差之秩所以朝
真法服劍珮冠衣取象上真垂儀下土若
其清齋端默靜室凝神合炁虛無遊心澹
漠密朝大帝隱叩玄關無煩服飾之殊自

會感通之要尊卑品秩一切泯然其如行
教化民闡揚齋法各循階序永作經常禮
謁朝真蹠蹠濟濟弘道之士按而行之亦
玄門之盛美也

盟傳對齋品

皇人曰夫靈寶之上道乃大法之根宗諸
天上帝隱韻內音非下士之所能聞也當
採擇其人神真內固威儀儼然言行有信
慈悲忠孝謹節正己端直操心志慕希夷
如此之人方可修持上法濟度死生若言

行有虧忠孝不立心行邪佞諂曲詐欺內
無德行外失威儀則福淺俗惡之人豈可
動達天地神明者哉當審察賢愚分別仙
凡然後方受詞誓具表以告三天獲其告
報方擇吉日依科盟授凡受持之師行持

半紀方許度及五人如一紀之後方度十
二人不可再度然而靈寶之文非其正法
之比且諸侯公卿欲濟國扶危保鎮國祚
受此大法者當以上金一百二十兩五色
綾羅各三十六疋硃砂青絲各一十二兩

鎮信祿米一百二十石金錢一百二十千
誓香三十六斤士庶人民欲濟度死生超
昇玄祖當以上金三十二兩五色絹綾各
一十疋硃絲各九兩鎮信祿米一十二石
命錢百十二千誓香六斤修煉有道之士

出七

十八

當以金九兩紫綾一端青絲一兩硃砂一
兩誓香一斤案紙一百幅以代幣帛筆墨
五方各一件以錢米無力行道之士亦可
用三分之二不可闕也蓋此法秘於上天
其禁至重至於天人諸玄都上宮而傳亦

齋金寶而受是以不許輕泄故也若有道之士所用法信傳度法師當一一具申天曹傳授按前應干傳用之物不可私心隱匿如傳度弟子吝惜世財及窺竊求取即師不許妄示輒傳度之後其道不行神真不侍經法百魔所敗師與弟子俱獲深殃切宜戒之如遵科格則諸天欣慶群魔束形萬神敬禮開壇傳授之時自有衆真監度以授於我道法流行百魔隱韻離合自然呼聖集真濟生度死續行累功可不日

而果備矣

思微板券

維年月日時某州縣某人即日謹齋金寶質
心依玄都舊格盟告十天稽首頓首再拜傳
授上清靈寶經法品章隱秘之文依儀行道

出七

十九

消諸不祥普度無窮受道之日名度南宮萬
神侍衛身度三界位登仙翁魔王保舉衆真
監度臣某謹遵大法敷落神真普度天人不
敢隱秘而傳以天中之天為盟弟子得法之
後不敢輕泄以示下人如違告盟身處鬼官

減筭除年萬劫受考永墮輪迴禍及七祖今

立券文以為信約

嗣法弟子其行年幾歲月日時建生上

屬某嶽稟上天某炁君召

謹奉

元始天尊度

太上道君度

太上老君度

天真皇人度

妙行真人度

諸天大聖度

五老上帝度


飛天神王度

五帝大魔度

三官五師度

周天星宿度

券符式



今日欣慶受度某人歷關諸天請成三志

斬絕地根飛度五戶名列太玄魔王監舉
無拘天門東斗注筭西斗記名北斗落死
南斗上生中斗大魁總監衆靈青帝護魂
白帝侍魄赤帝養炁黑帝通血黃帝中主
萬神無越五帝大魔萬神之宗普告無窮

萬神咸聽三界五帝列言上清
右券付弟子某人收執持爲身寶以致飛天
下觀上帝遙唱萬神朝禮三界侍軒群妖束
首鬼精自亡萬靈振伏招集群仙冥慧洞清
大量玄玄也急急如

出七

二十

靈寶大法盟傳板券律令

靈寶修真誓戒

靈寶傳度法壇 誓戒牒付嗣法弟子某人
謹遵

大法合受誓戒開具于後

靈寶十願

一願志樂長生

二願出死入生

三願鍊悉思形

四願度諸衆生

五願天下太平

六願衆生悟道

七願祖禰昇遷

八願永離鬼官

九願形神俱妙

十願與道合真

靈寶五戒

一戒惡殺去害常行忍救

二戒嫉妬莫興常守成人

三戒莫生盜淫常施正直

四戒勿起貪汙常生知愧

五戒斷諸憎妬華綺常修儉慈

靈寶十誓

一誓不得大醉怒嗔

二誓不得饑飽勞役

三誓不得廣志遠念

四誓不得折交非人

五誓不得取非義財

六誓不得怨道各師

七誓不得輒入神廟

八誓不得亂行靈文

九誓不得輕褻祕典

十誓不得亂宰鬼神

靈寶十善

一矜老卹孤

二憐貧援寡

三救濟幽冥

四散施丹藥

五敬重一切

六勤行符水

七常誦經咒

八廣造經像

九勤持齋戒

十放贖生命

牒具誓戒終始無虧身心不退即得拔度三
塗不涉六趣諸天衛護萬聖欽皈宜當精行
持齋奉戒夷心端謹志念分明一心皈向專
想不二內外清虛每合自然鑒映爾心如戒
行道爲三界所範鬼神所瞻召真通靈形神
俱妙道不負人勤行諦受勿使魔言謹牒

太歲 年 月 日時牒

傳度師具法位姓某

靈寶天仙寶誥

三天門下

伏以混沌一判

元始開圖真文洞煥於層霄玉宇敷宣於

碧落神靈降質炁寶聚形舍元炁於太虛
運陰陽於寒暑統攝三界拘制群魔紫笈
瓊篇琅函蕊簡經號稱於上品法獨冠於
中宮是為萬法之宗玄機之祖諸天至重
勤苦而聞審察賢愚方遵舊格盟十天而

奏啓齋金寶次方傳輕露祕文禍延九祖
今者嗣法弟子其人即日謹齋金九兩紫
綾一端硃砂一兩誓香一角
如係公卿士庶人民即別
具肘步投壇伏爲自身本命某年月日時
生重念其素心潔志守道純誠謹遵明科
出七
告盟傳授既獲吉祥之報宜加仙爵之褒
二十二

齋金寶次方傳輕露祕文禍延九祖
今者嗣法弟子其人即日謹齋金九兩紫
綾一端硃砂一兩誓香一角
具肘步投壇伏爲自身本命某年月日時
生重念其素心潔志守道純誠謹遵明科
告盟傳授既獲吉祥之報宜加仙爵之褒

保舉師十方至真飛天神王長生大聖无量

大神

監度師三十二天帝君妙行真人

度師十方靈寶天尊虛皇道君

經師九天高明大使神功妙濟真君

籍師三天扶教輔元大法師正一靜應真君

度師玄中教主大法師



卷之七

東斗注算君度

南斗上生君度

西斗記名君度

北斗落死君度

中斗大魁君度

謹按靈寶本科其人宜補授奉行

出七

二十三

上清靈寶大法某嶽先生某帝真人南昌

上宮受鍊司真官主管黃籙院事

右遵盟真科格欣慶受度請列

仙班奉

三清玉帝勅符到奉行

傳法度師具法位臣姓某

太歲 年 月 日時告下

交兵給法牒

靈寶傳法壇 交將牒付嗣法弟子某人

本壇先據云云謹詣壇下拜授

上清靈寶大法經文祕訣符圖印章一宗誓

願行持終始不怠除已具奏

上天許令傳度謹遵科格對

聖分環破券給誓受戒付度靈文交兵度將

事須畫一專牒付弟子某人照會者

一上清靈寶經法符圖玉篆科範儀格

一靈寶大法司印
道君印

天寶君印
鍊度司印

黃籙院印
青玄救苦印

八威龍文印
赤書玉字印

泰玄都省印
神虎內諱印

北魁玄範印
神虎雌雄印

總監衆靈印
與道合真印

五帝大魔印
嚴攝北酆印

混合百神印
拜章印

一戒牒一道

誥一軸

板符一道

交兵牒一道

環券

破獄符杖

十方謁簡

一上清靈寶法中天真上聖神王真君將

帥吏兵童子玉女功曹符吏兵馬總計

出七

二十四

百億萬眾

牒具如前付弟子某人遵承法職虔奉靈文
恪謹箴規克勤勿惰積功累行進品仙階如
或負盟自貽殃咎無怨咎於師資故牒

太歲

年

月

日

時牒

飛真朝元謁簡

太上洞玄三景弟子某嶽先生某帝真人奉
行靈寶大法南昌上宮受鍊司真官主管黃

籙院事臣姓某拜謁

五帝破獄策杖

五
帝
破
獄
策
杖

五
帝
破
獄
策
杖

靈寶環式
 幽字
 右金闕化身真炁流周慧光煥景金虎破
 幽字
 靈寶環式

出七

二十五

右金闕化身真炁流周慧光煥景金虎破
 幽字

靈寶環式



皇人曰簡以梓木為之長一尺二寸以白
 粉為地綠簡四向中用墨書銜位為謁簡
 板券以梓木為之長一尺二寸高九寸以
 青為地朱書字黃書符策杖以楊木為之
 法長三尺六寸圍五寸四分四面刊呪以
 黃羅袋袋之傳法日排於上真前度畢第
 子收之安於聖前每日供養如用即藉拜

而請環以銀一兩二錢為之中刊符以朱為之

補將吏帖

靈寶大法司 帖補新差來輔法將帥吏兵

等眾

當職昨投

度師某君門下乞保奏傳度

上清靈寶大法符圖印訣一宗靈文已蒙

度師於今月 日保奏

上天補充仙職今來差到輔佐將吏兵馬


合用收補入司駐劄事須給帖者

右出帖補新差來輔法將帥吏兵等眾仰準
此指揮明施號令嚴整軍營修治器械隨
即至輔正立功他日結勲即當奏薦不管有
違

破券式

出七

二十六



 維年月朔日某處吾住嗣法弟子某弟子傳
 法即日謹齋法信恭依科格拜受
 上清靈寶大法符圖印訣一宗靈文誓願佐
 天行化助國救民濟生度死永依三寶今對
 天尊前盟約而傳度師不敢隱真出偽弟子
 不敢怨道咎師如有違盟並依
 冥譴其道不成一依
 科條律令


靈寶無量度人上經大法卷之七十一

科條律令

冥譴其道不成一依

不敢怨道各師如有違盟並依

天尊前盟約而傳度師不敢隱真出偽弟子



天行化助國救民濟生度死永依三寶今對
上清靈寶大法符圖印訣一宗靈文誓願佐

法即日謹齋法信恭依科格拜受

維年月朔日某處居住嗣法弟子某弟子傳



